



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Neapolitano Archiepiscopo, & C. sancti Laurentij in Lucina Presbytero
Cardinali, apostolicae sedis Legato.

urn:nbn:de:hbz:466:1-20006

494 Epistolarum Innocentij III.

Vide supra
epist. 141.

spinarum enormiter frumenta laedantur, vel insuper seminorum zizaniorum evulsione triticum ezellatur. In absconditis etiam & curandis corporibus infirmorum sic oculi diligentia praecedere debet manus officium, & ferrum digitus prævenire, ne si cauterium adhibeat incautè, non tam partes infirmas non sanet, quam sanas infirmet. quod tanto diligentius in mentis languoribus est servandum, quanto animam novimus corpore dignorem, & spiritualia carnis libus præponenda. Hoc autem infra nos ipsos diligentius attentes, cum olim venerabilis frater noster Metensis Episcopus per suas nobis litteras intimasset quod tam in diocesi quam in urbe Metensi laicorum & mulierum non modica multitudo Gallicæ cuidam translationi divinorum librorum intendens, secretis conventiculis etiam inter se invicem eructare præsumerent, aliorum aspernantes consortium, & in faciem redarguentibus Presbyteris resistentes, quorum simplicitatem fastidiunt, in suæ translationis peritia confidentes, non protinus ad vindictam nos res accedit incognita, sed universis tam in urbe quam in Metensi diocesi constitutis sub eo tenore litteras curavimus apostolicas destinare qui vobis ex transcripti earum poterit inspectione patere. Eadem insuper Episcopo & Capitulo Meten. dedimus in mandatis ut inquirerent solicite veritatem quis fuerit auctor translationis illius, quæ intentio transferentis, quæ fides uterent, quæ causa docendi; si utentes ipsa, venerarentur apostolicam sedem, & catholicam Ecclesiam honorarent; ut super his & aliis quæ necessaria sunt ad indagandam plenius veritatem per eorum litteras sufficienter instruti, plenius intelligeremus & plius quid super his statui oportet. Nuper autem idem Episcopus per suas nobis litteras intimavit quod quidam eorum, quos notabiles prioribus litteris denotarat, mandatis recusant apostolicis obedire; quibusdam eorum clanculo, quibusdam vero jam publicè obediendum esse dicentibus soli Deo; ab occultis etiam conventiculis non cessantes, officium prædicationis occultè, licet à nullo mitrantur, prohibiti etiam, sibi non metuunt usurpare; aspernantes sibi dissimiles, & translationi eidem usque adeo insistentes, ut se nec Episcopo nec Metropolitano suo nec no-

bis ipsis afferant parituros, si eam decreverimus abolendam. Licet autem tales in eo reprehendi meritò videantur quod occulta conventicula celebrant, officium prædicationis usurpant, simplicitatem despiciunt sacerdotum, & eorum consortia qui dictam translationem non recipiunt aspernantur; ne quid tamen subito facere videamus, discretioni vestrae, de qua plenè confidimus, per apostolica scripta mandamus atque præcipimus quatenus ad civitatem Meten. pariter accedentes, cum eodem Episcopo convoceris coram vobis talia sapientes, & adhærentes translationi prædicta, & si fieri poterit, quæ in eis reprehensibilia fuerint, auctoritate freti apostolica, sublato appellationis obstaculo corrigatis. Quod si correctionem vestram recipere forte noluerint, inquiratis super capitulis illis quæ in litteris quas Episcopo miseramus expressa fuisse superius vobis expressimus & aliis etiam diligentius veritatem, & quod inveneritis, per nuntium vestrum & litteras plenius intimatis; ut per vos certiores effecti, prout procedendum fuerit procedamus. Cum enim in hoc universalis Ecclesia vertatur negotium, & agatur causa fidei Christianæ, ad exequendum apostolicæ sedis mandatum cum summa diligentia & cautela vos studiosos & promptos esse volumus & mandamus. Ad hæc, M. Crispinum Presbyterum, & R. socium ejus, si super his quæ dictus Episcopus eis duxerit opponenda, inveneritis esse reos, ipsos appellatione remota canonice puniatis. Alioquin eundem Episcopum ad remittendam penam, si quam eis forsan inflixit, cum nihil contra eum vel Clerum in nostra proposuerint audiencia, monitione præmissa, districione qua convenit, remoto appellationis obstaculo, cogere non tarderis. Quod si omnes &c. duo vestrum. Datum Laterani V. Idus Decembris.

NEAPOLITANO ARCHIEPISCOPO,
& C. sancti Laurentij in Lucina Presbytero Cardinali, apostolicæ sedis Legato.

Nihil est penè quod magis debeat formidare Prælatus quam vitium negligientiae: quia si, juxta testimonium Veritatis, de omni verbo otioso in die judicij redditurus est rationem, quanto magis de omni bono neglecto, cum eum etiam qui opus Dei agit negligenter,

Epist. 236.
Vt contra Be-
neventanum
Archiepisco-
pum inquirat.

scripturæ divinæ sententia maledicat. Heli namque sacerdos licet in se bonus existaret, quia tamen filiorum excessus efficaciter non corripuit, & in se pariter & in ipsis animadversionis divinæ vindictam exceptit, dum filii ejus in bello peremptis, ipse de sella corruens, confractis cervicibus expiravit. Ad corrigitos ergo subditorum excessus tanto diligentius debet Prælatū assurgere, quanto damnabilius correctionem eorum negligeret: contra quos (ut de notoriis excessibus taceatur) etiā tribus modis procedere possit, per accusationem videlicet, denuntiationem, & inquisitionem ipsorum; ut tamen in omnibus diligens adhibeatur cautela, sicut accusationem legitima præcedere debet inscriptione, sic & denuntiationem caritativa commonitio & inquisitionem clamorosa debet insinuatio prævenire. *Descentiam*, inquit Dominus, & videbo utrum clamorem, qui venit ad me, opere jam compleverint. Tunc enim clamor pervenit ad Prælatū, cùm per publicam famam aut insinuationem frequentem subditorum sibi referuntur excessus; & tunc debet descendere & videre, id est, mittere, & inquirere utrum clamorem veritas committetur. Nam juxta canonicas sanctiones, si quid de quoconque Clerico ad aures Prælati pervenerit, quod eum justè possit offendere, non facilè credere debet, nec ad vindictam eum res accendere debet incognita, sed diligenter est veritas perscrutanda, ut si rei poposcerit qualitas, districta ultiō culpam feriat delinquentis. Cùm ergo de venerabili fratre nostro Beneventano Archiepiscopo, quod dolentes referimus, ea nobis relata fuissent quæ à pontificali honestate nimirū dissonabant, propter frequentem clamorem multorum ad inquirendum de ipsis pleniū suimus excitati, ne dissimulatio negligentiæ vitium inducere videtur. Ipse namque, sicut fuit nobis expositum, post multas & graves culpas nequiter commissas ab eo, domum hospitalis ad susceptionem pauperum & infirmorum olim à prædecessoribus suis rerum opulentia præmunitam, civilis belli socius & magister effectus, fecit nequiter demoliri: de cuius videlicet hospitalis proventibus, tertia portio Ecclesiæ beati Bartholomai perpetuò debebatur, occasione cuiusdam equitatura suæ à W. Guarna Canonico ejusdem Eccle-

siae sibi redditæ sine freno, per satellites suos seditionem fecit in populo: ex qua suberto prælio, quod præcepit invocato diabolo inchoari, plures tam Clerici quam laici interfeci fuerunt. Cùmque quoddam castrum Hugonis de Feniculo, post destructionem terræ ipsius, integrum remansisset, idem populum concitavit: cum quo in ipsum castrum insurgens, illud cum nonnullis mulieribus & pueris incendio devastavit. Molendinum, vineas, & alia multa ad suam Ecclesiæ spectantia destrui omnino permisit, cocum suum propria manu percutiens interfecit, rusticum quendam hostiliter infecitus, pro eo quod puerum in ulnis deferens, importunè pro confirmatione illius instabat, suóque Clerico resistebat, ab eo violenter impulsus, ita vulnerari præcepit, quod vitam illius vulnus occasione finivit. Beneficia ecclesiastica minus canonice, juxta suæ voluntatis arbitrium, dispensare præsumit. Sacerdotes & Clericos absque causa rationabili officiis & beneficiis destitutos non priùs restituit quam cupiditati ejus recepta pecunia satisfiat. Augmentationi possessionum & ornamentorum Ecclesiæ suæ non solùm, ut tenebatur ex officio, non intendit, verùm etiam adeo in spiritualibus & temporalibus eam læsit, ut consilio destituta & pravorum pedibus jaceat conculcata. Cùm autem hæc & alia per quosdam Ecclesiæ suæ Canonicos nobis denuntiata fuissent, contra quos tamen multa, ut eos à denuntiatione repelleret, opponebat; nos officij nostri debitum prosequentes, de communī fratum consilio vobis inquisitionem eorum duximus committendam; per apostolica vobis scripta præcipiendo mandantes quatenus ad locum congruum utrique parti securum pariter accedentes, sine personarum acceptance, Deum habentes præ oculis, super his inquiratis appellatione remota, nostra fratri autoritate, diligentissimè veritatem; & quod inveneritis, sub testimonio litterarum vestrarum nobis fideliter intimatis; ut per inquisitionem vestram sufficienter instrudi, melius in ipso negotio procedere valeamus.

CAPITVLO CHELCOENS.

CVm monasterium vestrum specia-liter beati Petri juris existat, & ad nostram nullo mediante jurisdictionem

*Epiſt. 237.
Né in alios
quam donata
sunt usus bona
Ecclesiæ foz
conferantur.*